



Na osnovu člana 55.Zakona o upravi („Službeni glasnik BiH“ br.32/02 i 102/09) i člana 12. Zakona o ministarstvima i drugim organima uprave Bosne i Hercegovine („Službeni glasnik BiH“,br. 5/03, 42/03, 26/04, 42/04, 45/06, 88/07,35/09, 59/09,103/09, 87/12 i 6/13) i na osnovu člana 22. i 23. Zakona o izbjeglicama iz BiH i raseljenim osobama u BiH („Službeni glasnik BiH“ br. 23/99, 21/03, 33/03), bilateralnog Sporazuma o ekonomskoj i tehnološkoj saradnji od 29. 12. 2005. godine između Vlade Narodne Republike Kine i Vijeća Ministara Bosne i Hercegovine, kao i naosnovu Sporazuma o donaciji i Odluke o izboru prioriternih područja - opština i gradova, i Brčko Distrikta u kojima će se implementirati projekat pomoći raseljenim licima i povratnicima doniran od straneVlade Narodne Republike Kine Bosni i Hercegovini

Ministarstvo za ljudska prava i izbjeglice Bosne i Hercegovine
objavljuje

JAVNI POZIV

za podnošenje prijava za dodjelu donacije Narodne Republike Kine Bosni i Hercegovini u poljoprivrednoj mehanizaciji i opremi na području slijedećih opština,gradova i distrikta:

(Bihać, Bileća, Bijeljina, Brčko distrikt, Brod, Bratunac, Bugojno, Bos.Grahovo, Bos.Krupa, Centar Sarajevo, Čapljina, Čajniče, Doboј, Donji Vakuf, Drvar, Derventa, Domaljevac-Šamac, Dobretići, Foča, Foča-Ustikolina, Fojnica, Gacko, Goražde, Glamoč, Gradiška, Han Pijesak, Ilijaš, Istočni Drvar, Ilidža, Istočna Ilidža, Istočno Novo Sarajevo, Jajce, Kakanj, Konjic, Kalinovik, Kotor Varoš, Kupres, Livno, Lukavac, Milići, Mostar, Modriča, Nevesinje, Novo Goražde, Novi Grad, Novi Grad-Sarajevo, Novi Travnik, Olovo, Orašje, Odžak, Prijedor, Pelagićevo, Pale, Bosanski Petrovac, Rama-Prozor, Ravno, Ribnik, Rogatica, Rudo, Sanski Most, Sokolac, Srebrenica, Stolac, Šamac, Trnovo-RS, Trnovo-FBiH, Teslić, Travnik, Trebinje, Ugljevik, Usora, Uskoplje-Gornji Vakuf, Vareš, Visoko, Vlasenica, Višegrad, Zvornik, Zenica i Žepče).

I-Predmet javnog poziva

Predmet Javnog poziva je prikupljanje prijava/zahtjeva/projekata fizičkih i pravnih lica za dodjelu donacije Vlade Narodne Republike Kine Bosni i Hercegovini u poljoprivrednoj mehanizaciji i opremi sa sljedećim specifikacijama:

1. Traktori sa priključcima (komada 180);
2. Motokultivatori sa priključcima (komada 70);
3. Motorne pile (komada 100);
4. Oprema za mljekarstvo:
 - a) 50 setova za mužu;
 - b) 40 spremnika za hlađenje mlijeka;
 - c) 20 uređaja za analizu mlijeka.

II-Pravo na podnošenje zahtjeva

Prijavu/zahtjev/projekat na Javni poziv mogu podnijeti:

1. Fizička lica: povratnici i raseljene osobe – poljoprivredni proizvođači ili oni povratnici /ili raseljene osobe koje se bave drugom djelatnošću u vezi sa namjenom ove donacije;
2. Pravna lica:
 - a) udruženja koja okupljaju povratnike i raseljene osobe – poljoprivredne proizvođače;
 - b) zemljoradničke zadruge, čiji su članovi i kooperanti povratnici i raseljene osobe-poljoprivredni proizvođači.
 - c) preduzeća koja se bave poljoprivrednom proizvodnjom a čiji su osnivači i/ili uposlenici povratnici i raseljene osobe.

III-Opšti kriteriji

1. Opšti kriteriji su obavezujući za sve potencijalne korisnike;
2. Opšti kriteriji za utvrđivanje potencijalnih korisnika donacije su:

2.1. Opšti kriteriji za fizička lica

- a) Da je raseljena osoba u BiH ili povratnik;
- b) Da posjeduje imovinu i druge resurse potrebne za bavljenje poljoprivredom ili drugom djelatnošću u vezi sa namjenom predmetne donacije
Dokazi: Potvrda o statusu povratnika ili raseljenog lica izdata od strane nadležnog organa uprave
-ZK izvadak, posjedovni list ili dokaz o stočnom fondu iz registra;
(original ili ovjerena kopija ne starija od 6 mjeseci) ili ugovor o zakupu ili drugom pravnom osnovu za korištenje;

2.2. Opšti kriteriji za pravna lica

Da je podnosilac zahtjeva za donaciju registrovani pravni subjekt za poljoprivrednu ili drugu djelatnost u vezi sa namjenom donacije, koji spada u jednu od kategorija pravnih subjekata:

- a) Da je podnosilac zahtjeva za donaciju udruženje čiji su članovi povratnici ili raseljene osobe koje se bave poljoprivrednom djelatnosti ili drugom privrednom djelatnosti u vezi sa namjenom ove donacije;
- b) Da je podnosilac zahtjeva za donaciju zemljoradnička zadruga koja se bavi poljoprivrednom djelatnosti ili drugom privrednom djelatnosti u vezi sa namjenom ove donacije čiji su članovi ili kooperanti povratnici ili raseljene osobe;
- c) Da je podnosilac zahtjeva za donaciju manjeg preduzeća koje se bavi poljoprivrednom djelatnosti ili drugom privrednom djelatnosti u vezi sa namjenom ove donacije a čiji su osnivači i/ili usposlenici povratnici ili raseljene osobe.

Dokazi:

- a) Ovjerena kopija akta o registraciji;
- b) Lista članova, kooperanata i zaposlenih ovjerena od strane nadležnog organa uprave da se radi o povratnicima i raseljenim licima.

IV- Posebni kriteriji

1. Posebni kriteriji će se vrednovati prilikom izbora korisnika;
2. Posebni kriteriji za utvrđivanje potencijalnih korisnika su:

2.1. Posebni kriteriji za fizička lica

1. Imovina i resursi potrebni za djelatnost kao što su zemljište, objekti, stoka i druga materijalna sredstva;
2. Da potencialni korisnik nije koristio finansijska sredstva ili druge oblike pomoći putem donacije koje su imale iste ili slične namjene (poljoprivredna mehanizacija ili oprema);

3. Broj članova domaćinstva.

Dokazi: 1. ZK izvadak, posjedovni list (ne stariji od 6 mjeseci), ugovor ili rješenje o korištenju;
2. Izjava da ranije nije koristio donatorska sredstva za iste ili slične namjene (ovjerena od strane opštinskog organa);
3. Kućna lista.

2.2. Posebni kriteriji za pravna lica

1. Da potencijalni korisnik nije koristio finansijska ili druga sredstva pomoći u vezi sa namjenom predmetne donacije;
2. Da zapošljava povratnike i raseljene osobe;
3. Bilans stanja i bilans uspjeha za 2013. godinu-uz zahtjev za donaciju za traktore.

Dokazi: 1. Projekat za djelatnost sa priloženim dokazima o postojećoj imovini i resursima - za zadruge i manja preduzeća;
2. Izjava da nije koristio pomoć u finansijskim sredstvima ili drugim oblicima donacije koji su imali iste ili slične namjene, ovjeren od strane nadležnog organa;
3. Izjava o broju lica povratnika i raseljenih koje će obuhvatiti ovaj projekat;
4. Bilans stanja i uspjeha i druge reference.

V- Prijava

Prijava se podnosi na obrascu koji je sastavni dio javnog poziva, i koji se može preuzeti u opštinama za koje je raspisan Javni poziv, na web stranici Ministarstva za ljudska prava i izbjeglice BiH www.mhrr.gov.ba ili u regionalnim centrima Ministarstva, kako slijedi:

- Regionalni centar Sarajevo, Vilsonovo šetalište 10, Sarajevo, tel. 033/714-207;
- Regionalni centar Banja Luka, Jevrejska 73, Banja Luka, tel. 051/223-580;
- Regionalni centar Mostar, Kardinala Stepinca 9, Mostar, tel. 036/555-841;
- Regionalni centar Tuzla, Kralja Tvrtka 2, Tuzla, tel. 035/253-603.

VI- Vrijeme trajanja javnog poziva

Javni poziv ostaje otvoren 15 dana od dana objave u dnevnim novinama i na web stranici Ministarstva. Nepotpune i neblagovremene prijave neće se uzimati u razmatranje.

VII- Dostavljanje popunjenih prijava

Popunjene i potpisane prijave za dodjelu donacije sa priloženim dokumentima iz Javnog poziva dostavljaju se lično ili preporučenim poštom na adresu: Ministarstvo za ljudska prava i izbjeglice Bosne i Hercegovine, Trg BiH br. 3, Sarajevo 71000, sa naznakom **“Prijava za donaciju Narodne Republike Kine Bosni i Hercegovini u poljoprivrednoj mehanizaciji i opremi-ne otvaraj”**.

MINISTAR
mr.sc. Damir Ljubić